

di dalam Syarah Muslim: إن تعجيل صلاة المغرب عقيب غروب الشمس مجمع عليه Bermaksud: “Sesungguhnya menyegerakan sembahyang Maghrib sebaik sahaja terbenam matahari itu adalah suatu perkara yang telah diijma`kan.” Dan itulah waktu sembahyang Maghrib yang afdhal menurut semua `ulama`. Berhubung dengan penghujung waktu Maghrib pula terdapat beberapa khilaf `ulama`. Sufyan ats-Tsauri, Ibnu Abi Laila, Thawus, Makhul, Hasan bin Hai, al-Auzaa`i, Malik, Syafi`e, Ahmad, Ishaq, Daud az-Zahiri, Abu Yusuf dan Muhammad bin al-Hasan asy-Syaibaani berpendapat, apabila hilang syafaq merah habislah waktu Maghrib. `Umar bin `Abdul `Aziz, Abu Hanifah, `Abdullah bin al-Mubarak, al-Auzaa`i menurut satu riwayat yang lain daripada beliau, Malik menurut satu riwayat yang lain, Syafi`e menurut satu riwayat yang lain daripada beliau, al-Muzani, Zufar bin al-Huzail dan Abu Tsaur pula berpendapat, waktu Maghrib baru habis apabila hilang syafaq putih. Demikian juga diriwayatkan daripada Abu Bakr as-Shiddiq, `Aaishah, Abu Hurairah, Mu`aaz bin Jabal, Ubai bin Ka`ab dan `Abdullah bin az-Zubair. Kata Ibn al-Munzir: “Malik, Syafi`e dan al-Auzaa`i dalam satu pendapat mereka yang lain pula berpendapat, Maghrib hanya mempunyai satu waktu sahaja.” Demikianlah disebutkan oleh al-`Aini di dalam `Umdat al-Qaari. Menurut pendapat Malik yang masyhur dan qaul jadid Imam Syafi`e, Maghrib mempunyai hanya satu waktu sahaja iaitu sebaik sahaja matahari terbenam, seseorang yang hendak bersembahyang Maghrib bersuci (berwudhu`), memakai pakaian, melaungkan azan, beriqamat dan terus bersembahyang Maghrib tiga raka`at, lalu bersembahyang sunat dua raka`at selepasnya. Sebaik selesai bersembahyang sunat dua raka`at itu habislah waktu Maghrib. Demikian juga pendapat Ibnu al-Mubarak dan al-Auzaa`i dalam salah satu pendapatnya. (Lihat al-Mausu`atu al-Fiqhiyyah al-Kuwaitiyyah).

⁹⁹³ Atsar `Athaa` di dalam tajuk bab ini dikemukakan oleh Bukhari secara ta`liq. Menurut Hafiz Ibnu Hajar, ia diwashalkan oleh `Abdur Razzaaq daripada Ibnu Juraij daripada `Athaa` di dalam Mushannafnya. Para `ulama` berbeza pendapat tentang maksud Bukhari mengemukakan atsar `Athaa` di dalam bab ini. (1) Syah Waliyyullah di dalam al-Abwab wa at-Taraajimnya menulis: مناسبة التعليق بترجمة الباب باعتبار أنه يدل على أن آخر وقت المغرب متصل بأول وقت العشاء لأن الجمع في الحضر محمول عند مناسية التعليق بترجمة الباب باعتبار أنه يدل على أن آخر وقت المغرب متصل بأول وقت العشاء ولو كان بعذر المرض Bermaksud: “Kesesuaian ta`liq ini dengan tajuk bab terletak pada ia menunjukkan bahawa akhir (penghujung) waktu Maghrib itu bersambung dengan permulaan waktu `Isyaa`. Ini kerana jama` ketika hadhar (tidak bermusafir) menurut Bukhari adalah jama` shuri, walaupun kerana keuzuran sakit.” (2) Hafiz Ibnu Hajar menulis: أشار بهذا الأثر في هذه الترجمة إلى أن وقت المغرب يمتد إلى العشاء وذلك أنه لو كان مضيقاً لانفصال عن وقت العشاء ولو كان منفصلاً لم يجمع بينهما كما في الصبح والظهر ولهذا النكتة ختم الباب بحديث بن عباس الدال على أنه صلى الله عليه وسلم جمع بين الظهر والعصر في وقت إحداهما وبين المغرب والعشاء في وقت إحداهما وأما الأحاديث التي أوردها في الباب فليس فيها ما يدل على أن الوقت مضيق لأنه ليس فيها إلا مجرد المبادرة إلى الصلاة في أول وقتها وكانت تلك عاداته صلى الله عليه وسلم في جميع الصلوات إلا فيما ثبت فيه خلاف ذلك كالإبراد Bermaksud: “Dengan mengemukakan atsar `Athaa` di dalam tajuk bab ini Imam Bukhari hendak mengisyaratkan bahawa waktu Maghrib itu memanjang hingga ke waktu `Isyaa`. Sebabnya ialah kalau waktu Maghrib itu sempit (pendek), niscaya ia terpisah daripada `Isyaa`. Dan kalau ia terpisah, niscaya tidak boleh dijama` di antaranya dengan `Isyaa`, sebagaimana tidak boleh dijama` di antara sembahyang Subuh dan Zohor. Poin inilah yang mendorong beliau menyudahi bab ini dengan hadits Ibnu `Abbaas yang menunjukkan Nabi s.a.w. pernah menjama` sembahyang Zohor dan `Ashar dalam waktu salah satu daripadanya dan menjama` sembahyang Maghrib dan `Isyaa` dalam waktu salah satu daripadanya. Adapun hadits-hadits yang dikemukakan oleh Bukhari di bawah bab ini, ia tidaklah menunjukkan waktu Maghrib itu sempit (pendek). Ia sekadar menunjukkan Baginda s.a.w. bersegera mengerjakannya di awal waktu. Memang itu pun kebiasaan Nabi s.a.w. dalam menunaikan semua sembahyang (fardhu lima waktu), kecuali pada ketika-ketika tertentu seperti ketika cuaca terlalu panas. Dalam keadaan itu Baginda s.a.w. akan melewati sedikit sembahyang Zohor sehingga cuaca sudah agak sejuk atau seperti melewati sembahyang `Isyaa` ketika para sahabat datang lewat, seperti tersebut di dalam hadits Jaabir. والله أعلم.” Keterangan Hafiz Ibnu Hajar ini jelas menunjukkan jama` yang pernah dilakukan oleh Nabi s.a.w. bukan

jama` shuri seperti kata Syah Waliyyullah tadi, tetapi jama` haqiqi. Bagi penulis, pendapat Hafiz Ibnu Hajar itulah yang kuat dan tepat. Oleh itu kata-kata `Athaa` bahawa orang sakit boleh menjama` sembahyang Maghrib dan `Isyaa` seharusnya dipakai dengan erti jama` haqiqi juga. (3) Syeikh Zakariya di dalam al-Abwaab Wa at-Taraajimnya menulis: قلت فعلى هذا يكون ردا على من قال بعدم Bermaksud: “Dengan mengemukakan atsar `Athaa` ini Imam Bukhari bermaksud mengkritik orang-orang yang mengatakan waktu Maghrib itu tidak panjang. Ia hanya mempunyai satu waktu sahaja (seperti telah dikemukakan sebelum ini), sebagaimana yang masyhur daripada mazhab Syafi`e dan Malik.” Apa yang dimaksudkan oleh Syeikh Zakariya dengan katanya: “yang masyhur daripada mazhab Syafi`e” ialah qaul jadidnya. Adapun mengikut qaul qadim Syafi`e waktu Maghrib itu memanjang hingga hilang syafaq. Qaul qadim Syafi`e dalam masalah ini dianggap lebih rajih oleh tokoh-tokoh dalam mazhab Syafi`e sendiri berbanding qaul jadidnya. Dan apa yang dimaksudkan oleh Syeikh Zakariya dengan katanya: “yang masyhur daripada mazhab Malik” ialah pendapat beliau di luar Muwattha`nya. Adapun mengikut riwayat beliau di dalam Muwattha`, ia sama juga seperti pendapat jumhur `ulama`. Di dalam Taqirir Bukharinya pula Syeikh Zakariya menulis: حضرت امام بخاری اس باب سے امام شافعی کے مشہور قول پر رد فرما رہے ہیں کہ حضور اکرم صلی اللہ علیہ وسلم نے مغرب اور عشاء کو جمع فرمایا، کیونکہ اگر بقدر تین رکعات یا پانچ رکعات کے وقت ہوتا تو کیسے جمع ہو جاتا، اس لئے کہ جمع صوری وقت Bermaksud: “Dengan mengadakan bab ini Imam Bukhari hendak menolak pendapat Syafi`e yang masyhur. Alasannya ialah Rasulullah s.a.w. telah menjama` sembahyang Maghrib dan `Isyaa`. Kalaulah waktu Maghrib itu hanya dapat memuat tiga raka`at atau lima raka`at sembahyang sahaja, bagaimana Baginda s.a.w. akan menjama` kedua-dua sembahyang itu? Jama` shuri hanya dapat dilaksanakan di antara dua sembahyang yang luas dan panjang waktunya.” Kalau Imam Bukhari memang hendak menyatakan pendapatnya bahawa waktu Maghrib itu memanjang hingga hilang syafaq, kenapa beliau tidak kemukakan saja hadiths-hadiths yang dengan jelas menyebut begitu? Bukankah terdapat banyak juga hadiths-hadithsnya? Nah, lihat saja tiga hadiths berkenaan dengan perkara ini: (1) `Abdullah bin `Amar meriwayatkan, katanya: Rasulullah s.a.w. bersabda: إِذَا صَلَّيْتُمُ الْفَجْرَ فَإِنَّهُ وَقْتُ إِلَى أَنْ يَطْلُعَ قَرْنُ الشَّمْسِ الْأَوَّلُ ثُمَّ إِذَا صَلَّيْتُمُ الظُّهْرَ فَإِنَّهُ وَقْتُ إِلَى أَنْ يَخْضُرَ الْعَصْرُ فَإِذَا صَلَّيْتُمُ الْعَصْرَ فَإِنَّهُ وَقْتُ إِلَى أَنْ تَصْفُرَ الشَّمْسُ فَإِذَا صَلَّيْتُمُ الْمَغْرِبَ فَإِنَّهُ وَقْتُ إِلَى أَنْ يَسْقُطَ الشَّقَقُ فَإِذَا صَلَّيْتُمُ الْعِشَاءَ فَإِنَّهُ وَقْتُ إِلَى نِصْفِ اللَّيْلِ Bermaksud: “Apabila kamu hendak bersembahyang Fajar (Subuh), (perlulah diketahui bahawa) waktunya ialah hingga naik tanduk matahari yang pertama. Apabila kamu hendak bersembahyang Zohor, (perlulah diketahui bahawa) waktunya ialah hingga masuk waktu `Ashar. Apabila kamu hendak bersembahyang `Ashar, (perlulah diketahui bahawa) waktunya ialah hingga matahari menguning. Apabila kamu hendak bersembahyang Maghrib, (perlulah diketahui bahawa) waktunya ialah hingga hilang syafaq (warna merah di langit terutamanya di ufuk barat setelah terbenam matahari). Apabila kamu hendak bersembahyang `Isyaa`, (perlulah diketahui bahawa) waktunya ialah hingga separuh malam.” (Hadith riwayat Muslim, Baihaqi, Abu Daud, Nasaa`i, Baihaqi, Abu `Awaanah dan al-Bazzaar). (2) `Abdullah bin `Amar juga meriwayatkan, katanya: وقت الظهر ما لم تخضر العصر ووقت العصر ما لم تصفر الشمس ووقت المغرب ما لم يسقط ثور الشفق وقت صلاة الفجر ما لم تطلع الشمس Bermaksud: Waktu Zohor selagi tidak masuk `Ashar. Waktu `Ashar selagi matahari tidak menguning. Waktu Maghrib selagi syafaq yang bertebaran tidak hilang. Waktu `Isyaa` hingga separuh malam dan waktu Fajar selagi matahari tidak naik (terbit). (Hadith riwayat Muslim, Baihaqi, Ibnu Khuzaimah, Nasaa`i dan Ibnu Abi Syaibah). (3) Abu Hurairah meriwayatkan, katanya: Rasulullah s.a.w. bersabda: إن للصلاة أولا وآخرا وإن أول وقت صلاة الظهر حين تزول الشمس وآخر وقتها حين يدخل وقت العصر وإن أول وقت العصر حين يدخل وقتها وآخر وقتها حين تصفر الشمس وإن أول وقت المغرب حين تغرب الشمس وإن آخر وقتها حين يغيب الشفق وإن أول وقت العشاء حين يغيب الشفق وإن آخر وقتها حين ينتصف الليل وإن أول وقت الفجر حين يطلع الفجر وإن آخر وقتها حين تطلع الشمس Bermaksud: Sesungguhnya waktu sembahyang itu ada permulaan dan penghujungnya. Permulaan waktu Zohor ialah ketika matahari tergelincir. Penghujungnya apabila masuk waktu `Ashar. Permulaan waktu `Ashar ialah apabila masuk waktunya. Penghujungnya apabila matahari menguning. Permulaan waktu Maghrib ialah apabila matahari terbenam dan penghujung waktunya ialah

٥٢٦- حَدَّثَنَا مُحَمَّدُ بْنُ مِهْرَانَ قَالَ حَدَّثَنَا الْوَلِيدُ قَالَ حَدَّثَنَا الْأَوْزَاعِيُّ قَالَ حَدَّثَنَا أَبُو النَّحَّاشِ وَهُوَ عَطَاءُ بْنُ صُهَيْبٍ مَوْلَى رَافِعِ بْنِ خَدِيجٍ قَالَ سَمِعْتُ رَافِعَ بْنَ خَدِيجٍ يَقُولُ كُنَّا نُصَلِّي الْمَغْرِبَ مَعَ النَّبِيِّ صَلَّى اللَّهُ عَلَيْهِ وَسَلَّمَ فَيَنْصَرِفُ أَحَدُنَا وَإِنَّهُ لَيُنْصَرِفُ مَوَاقِعَ نَبَلِهِ

526- Muhammad bin Mihran (al-Jammaal Abu Ja'far ar-Raazi al-Haafiz m.238H) meriwayatkan kepada kami, katanya: al-Walid (bin Muslim m.195H) meriwayatkan kepada kami, katanya: al-Auzaa'i ('Abdur Rahman bin 'Amar) meriwayatkan kepada kami, katanya: Abu an-Najaasyi iaitu 'Athaa' bin Shuhaib⁹⁹⁴ hamba bebasan Raafi' bin Khadij meriwayatkan kepada kami, katanya: Saya telah mendengar Raafi' bin Khadij (al-Ausi al-Anshari m.74H) berkata: "Kami selalu bersembahyang Maghrib bersama Nabi s.a.w. Kami selesai bersembahyang ketika seseorang masih nampak lagi tempat-tempat jatuh anak panah (yang dilepaskan)nya."⁹⁹⁵

apabila hilang syafaq. Permulaan waktu 'Isyaa' ialah apabila hilang syafaq dan penghujung waktunya ialah apabila berlalu separuh malam. Permulaan waktu Fajar ialah apabila naik (terbit) fajar. Penghujung waktunya ialah apabila matahari naik. (Hadits riwayat Malik, Tirmizi, Nasaa'i, Ahmad dan Ibnu Abi Syaibah). Imam Bukhari tidak menggunakan hadits-hadits tadi tidak kerana lain melainkan kerana ia tidak menepati syarat beliau untuk Sahihnya. Oleh kerana tidak ada satu pun hadits hilang syafaq menandakan berakhirnya waktu Maghrib menepati syarat beliau, maka beliau tidak menggunakannya sebagai hujah. Itulah sebabnya di bawah bab ini anda tidak menemui satu pun daripada hadits-hadits tersebut. **Para 'ulama' juga berbeda pendapat** tentang orang sakit, adakah ia diharuskan menjama' sembahyang atau tidak? Imam Bukhari, Imam Ahmad dan Ishaq secara mutlaq mengharuskannya. Sesetengah 'ulama' Syafi'iyah juga memilih pendapat yang mengharuskan itu. Imam Malik juga mengharuskannya, tetapi dengan beberapa syarat. Menurut pendapat yang masyhur daripada Syafi'e dan anak-anak muridnya, ia tidak diharuskan. Kata an-Nawawi di dalam ar-Raudhah: وقال الجمع بالمرض والوحد ومن قاله من أصحابنا أبو سليمان الخطابي والقاضي حسين واستحسنه الروياني قلت القول بجواز الجمع بالمرض ظاهر مختار فقد ثبت في صحيح مسلم أن النبي صلى الله عليه وسلم جمع بالمدينة من غير خوف ولا مطر Bermaksud: "Yang ma'ruf dalam mazhab (Syafi'e) ialah tidak harus jama' dengan sebab sakit atau tanah berlumpur. Sekumpulan tokoh-tokoh kita berpendapat harus jama' dengan sebab sakit dan tanah berlumpur. Antara mereka yang berpendapat begitu dari kalangan tokoh-tokoh kita ialah Abu Sulaiman al-Khatthaabi dan Qadhi Husain. Ar-Ruyaani menganggap elok pendapat itu. Bagi saya (an-Nawawi) pendapat yang mengatakan harus jama' dengan sebab sakit itu adalah pendapat yang zahir dah terpilih. Di dalam Sahih Muslim ada hadits yang menyebutkan Nabi s.a.w. telah menjama' (sembahyang) di Madinah tanpa ada sebarang ketakutan dan dalam keadaan tidak hujan."

⁹⁹⁴ Kata Ibnu Hibbaan, 'Athaa' bin Shuhaib bersahabat dengan Raafi' bin Khadij selama enam tahun.

⁹⁹⁵ Hadits ini menunjukkan betapa awalnya Nabi s.a.w. bersembahyang Maghrib dan betapa pendeknya bacaan Baginda s.a.w. di dalam sembahyang itu. Kalau ada hadits-hadits yang menunjukkan Rasulullah s.a.w. bersembahyang Maghrib lewat sedikit ketika syafaq hampir menghilang, maka itu semata-mata untuk menunjukkan keharusannya atau untuk menunjukkan

٦٢٧- حَدَّثَنَا مُحَمَّدُ بْنُ بَشَّارٍ قَالَ حَدَّثَنَا مُحَمَّدُ بْنُ جَعْفَرٍ قَالَ حَدَّثَنَا شُعْبَةُ عَنْ سَعْدِ بْنِ إِبْرَاهِيمَ عَنْ مُحَمَّدِ بْنِ عَمْرِو بْنِ الْحُسَيْنِ بْنِ عَلِيٍّ قَالَ قَدِمَ الْحَجَّاجُ فَسَأَلْنَا جَابِرَ بْنَ عَبْدِ اللَّهِ فَقَالَ كَانَ النَّبِيُّ صَلَّى اللَّهُ عَلَيْهِ وَسَلَّمَ يُصَلِّي الظُّهْرَ بِالْهَاجِرَةِ وَالْعَصْرَ وَالشَّمْسُ نَقِيَّةٌ وَالْمَغْرِبُ إِذَا وَجَبَتْ وَالْعِشَاءُ أَحْيَاءًا وَأَحْيَاءًا إِذَا رَأَهُمْ اجْتَمَعُوا عَجَلًا وَإِذَا رَأَهُمْ أَبْطَأُوا آخِرَ وَالصُّبْحُ كَانُوا أَوْ كَانَ النَّبِيُّ صَلَّى اللَّهُ عَلَيْهِ وَسَلَّمَ يُصَلِّي بِهَا بَعْلَسَ

527- Muhammad bin Basysyar meriwayatkan kepada kami, katanya: Muhammad bin Ja'far (Ghundar) meriwayatkan kepada kami, katanya: Syu'bah (bin al-Hajjaaj) meriwayatkan kepada kami daripada Sa'ad bin Ibrahim (bin 'Abdir Rahman bin 'Auf) daripada Muhammad bin 'Amar bin al-Hasan bin 'Ali (bin Abi Thalib), katanya: "Hajjaaj (bin Yusuf ats-Tsaqafi) datang, lalu kami bertanya Jabir bin 'Abdillah (tentang waktu-waktu sembahyang).⁹⁹⁶ Jawab beliau: "Nabi s.a.w. selalu bersembahyang Zohor pada waktu betul-betul tengah hari.⁹⁹⁷ 'Ashar pada ketika matahari masih kelihatan suci bersih. Maghrib ketika matahari telah terbenam. Isyaa' kadang-kadang cepat, kadang-kadang lambat. Kalau Baginda nampak mereka telah berkumpul, Baginda menyegerakannya dan kalau Baginda nampak mereka lambat (sampai ke masjid), Baginda melewatkannya. Subuh (pula) mereka atau Nabi s.a.w.⁹⁹⁸ mengerjakannya pada waktu ghalas (waktu masih gelap gelita selepas terbit fajar shadiq)."

waktunya belum lagi habis sebelum hilang syafaq. Hadits ini juga menunjukkan betapa para sahabat itu mengambil berat tentang latihan mengguna senjata sebagai persiapan untuk berjihad. Selain Bukhari, hadits ini diriwayatkan juga oleh Muslim, Ibnu Majah dan lain-lain.

⁹⁹⁶ Hajjaaj pernah menjadi gabenor Madinah di zaman pemerintahan 'Abdul Malik bin Marwaan iaitu sekitar tahun 74H selepas terbunuhnya Ibnu az-Zubair. Oleh kerana beliau suka melewatkan sembahyang, kami bertanya Jaabir tentang waktu sembahyang mengikut sunnah Nabi s.a.w.

⁹⁹⁷ Sebaik saja matahari tergelincir. Kecuali dalam keadaan cuaca terlalu panas. Dalam keadaan itu sunnah Nabi s.a.w. ialah melewatkan sedikit sembahyang Zohor hingga kepanasan agak reda.

⁹⁹⁸ Para pensyarah Sahih Bukhari berbeza pendapat dalam menanggapi ibarat *كَانُوا أَوْ كَانَ النَّبِيُّ صَلَّى اللَّهُ عَلَيْهِ وَسَلَّمَ يُصَلِّي بِهَا بَعْلَسَ* yang tersebut di dalam hadits di atas. (1) Al-Kirmaani berpendapat, perkataan *أَوْ* yang tersebut sebelum *كَانُوا* itu adalah untuk menyatakan syak perawi daripada Jaabir. Taqdir ibaratnya ialah *يُصَلُّونَهَا بَعْلَسَ أَوْ كَانَ يُصَلِّي بِهَا بَعْلَسَ* Bermaksud: Kata beliau (perawi): "Mereka (para sahabat) mengerjakannya pada waktu ghalas atau Baginda s.a.w. mengerjakannya pada waktu ghalas." Hasilnya sama saja, sama ada anda mengatakan para sahabat bersembahyang Subuh pada waktu ghalas atau Baginda s.a.w. bersembahyang Subuh pada waktu ghalas, kedua-duanya memberi erti mereka bersembahyang Subuh dengan berjama'ah bersama Nabi s.a.w. Ibarat ini sekali-kali tidak memberi erti Nabi s.a.w. bersembahyang Subuh sendirian. Hafiz Ibnu Hajar dan Hafiz al-'Aini mentarjihkan ma'na ini. (2) Ibnu Batthaal berpendapat, terdapat dua hazaf (pembuangan) di dalam ibarat ini. Pertama khabar *كَانُوا* dan kedua satu jumlah selepasnya.

٥٢٨- حَدَّثَنَا الْمَكِّيُّ بْنُ إِبْرَاهِيمَ قَالَ حَدَّثَنَا يَزِيدُ بْنُ أَبِي عُبَيْدٍ عَنْ سَلَمَةَ قَالَ كُنَّا نُصَلِّي مَعَ النَّبِيِّ صَلَّى اللَّهُ عَلَيْهِ وَسَلَّمَ

الْمَغْرِبَ إِذَا تَوَارَتْ بِالْحِجَابِ

528- Al-Makki bin Ibrahim meriwayatkan kepada kami, katanya: Yazid bin Abi 'Ubaid meriwayatkan kepada kami daripada Salamah (bin al-Akwa'), kata beliau: "Kami bersembahyang Maghrib bersama Nabi s.a.w. ketika matahari telah dilindungi tirai (terbenam)."⁹⁹⁹

٥٢٩- حَدَّثَنَا آدَمُ قَالَ حَدَّثَنَا شُعْبَةُ قَالَ حَدَّثَنَا عَمْرُو بْنُ دِينَارٍ قَالَ سَمِعْتُ جَابِرَ بْنَ زَيْدٍ عَنْ عَبْدِ اللَّهِ بْنِ عَبَّاسٍ قَالَ صَلَّى

النَّبِيُّ صَلَّى اللَّهُ عَلَيْهِ وَسَلَّمَ سَبْعًا جَمِيعًا وَثَمَانِيًا جَمِيعًا

529- Adam (bin Abi Iyaas) meriwayatkan kepada kami, katanya: Syu'bah meriwayatkan kepada kami, katanya: 'Amar bin Dinar meriwayatkan kepada kami, katanya: Saya mendengar Jabir bin Zaid (Abu asy-Sya'tsa') meriwayatkan daripada 'Abdillah bin 'Abbaas, katanya: Nabi s.a.w. pernah bersembahyang tujuh raka'at dengan jama' dan lapan raka'at dengan jama'.¹⁰⁰⁰

Taqdirnya ialah: كانوا مجتمعين أو لم يكونوا مجتمعين كان عليه السلام يصلّيها بغلس Bermaksud: "Sama ada mereka berkumpul atau tidak, Rasulullah s.a.w. tetap bersembahyang Subuh pada waktu ghalas." Ertinya ialah tidak seperti sembahyang 'Isyaa', kalau mereka sudah berkumpul, Nabi s.a.w. bersembahyang di awal waktunya. Tetapi kalau mereka belum sampai ke masjid Nabi s.a.w. dan belum lagi berkumpul, Baginda s.a.w. melewatkannya. (3) Ibnu at-Tiin berpendapat bahawa كان di sini adalah تامّة كان تامّة dengan erti حضر bukan ناقصة. Selain itu terdapat satu pembuangan (حذف) selepas perkataan حضروا أو لم يحضروا كان النبي صَلَّى اللَّهُ عَلَيْهِ وَسَلَّمَ يصلّيها بغلس. Taqdirnya ialah: حضروا أو لم يحضروا كان النبي صَلَّى اللَّهُ عَلَيْهِ وَسَلَّمَ يصلّيها بغلس Bermaksud: "Sama ada mereka hadir atau tidak, Nabi s.a.w. tetap bersembahyang Subuh pada waktu ghalas." Sama ada hadir dalam jumlah yang ramai atau langsung tidak hadir, Nabi s.a.w. tetap bersembahyang Subuh pada waktu ghalas. (4) Ibnu al-Munaiyyir berpendapat, taqdir ibarat ini ialah: الصبح يصلّيها بغلس كانوا مجتمعين أو كان عليه السلام وحده Bermaksud: "Sembahyang Subuh, Nabi s.a.w. mengerjakannya pada waktu ghalas. Sama ada mereka berkumpul atau Baginda s.a.w. bersendirian." Selepas كانوا daripada bahagian pertama ayat dibuang perkataan مجتمعين dan selepas وحده di bahagian kedua ayat di buang perkataan وحده.

⁹⁹⁹ Hadits ini termasuk dalam senarai tsulatsiyyaat Bukhari yang keempat.

¹⁰⁰⁰ Maksud "tujuh raka'at dengan jama'" ialah dengan menjama' Maghrib dan 'Isyaa' dan maksud "lapan raka'at dengan jama'" pula ialah dengan menjama' Zohor dan 'Ashar. Daripada segi kemungkinan, kedua-dua bentuk jama' taqdim dan ta'khir boleh diterima. Tetapi melihat kepada tajuk bab yang dibuat Bukhari lebih sesuai dikatakan jama' yang dimaksudkan di sini ialah jama' ta'khir. Perbincangan tentang hadits ini telah pun berlalu dengan panjang lebar di bawah الباب تأخير الظهر إلى العصر. Lihatlah di sana dalam nota: 939 dan 940.

بَابُ مَنْ كَرِهَ أَنْ يُقَالَ لِلْمَغْرِبِ الْعِشَاءُ

101- Bab Orang Yang Tidak Suka Maghrib Dipanggil (dikatakan) Isyaa'.¹⁰⁰¹

¹⁰⁰¹ Siapakah yang dimaksudkan oleh Bukhari dengan katanya “orang yang tidak suka Maghrib dipanggil (dikatakan) ‘Isyaa’” itu? Dan apakah pula erti tidak suka? Apakah ia bererti makruh saja atau haram atau lain-lain lagi? Itulah dua kemusykilan yang timbul daripada tajuk bab di atas. Daripada hadits yang dikemukakan oleh Bukhari di bawah bab ini diketahui orang yang tidak suka itu ialah Rasulullah s.a.w. sendiri. Sebab tidak suka Rasulullah s.a.w. ialah kerana penggunaan perkataan ‘Isyaa’ untuk Maghrib boleh menimbulkan kekeliruan. Orang-orang ‘Arab badwi pula memang menggunakan perkataan ‘Isyaa’ untuk waktu maghrib. Kekeliruan yang mungkin akan timbul di suatu hari kelak ialah waktu ‘Isyaa’ yang bermula selepas hilangnya syafaq itu dianggap oleh sesetengah pihak sebagai permulaan waktu Maghrib. Ini akan menimbulkan kekeliruan dalam amalan agama, khususnya berkenaan dengan waktu sembahyang fardhu lima waktu. Hafiz Ibnu Hajar menukikkan kata-kata Ibnu al-Munayyir bahawa: “Imam Bukhari tidak menggunakan lafaz jazam (terang / putus), seperti kata beliau باب كراهية كذا (Bab larangan melakukan sekian-sekian perkara) misalnya ialah kerana lafaz hadits tidak secara mutlaq melarang daripada menggunakan perkataan ‘Isyaa’ untuk Maghrib. Apa yang dilarang ialah kalau sampai penggunaan orang-orang ‘Arab badwi itu menjadi lebih popular daripada apa yang diperkenalkan oleh Syara’. Oleh itu penggunaan perkataan ‘Isyaa’ untuk Maghrib jika kadangkadangkadangkad saja digunakan adalah harus hukumnya. Berbeza dengan orang-orang ‘Arab badwi, kerana mereka memang menggunakan perkataan ‘Isyaa’ untuk Maghrib. Perkataan ‘Isyaa’ juga boleh digunakan untuk Maghrib jika dengan qaid, seperti العشاء الأولى (‘Isyaa’ yang pertama).” Penggunaan dengan qaid seperti itu diharuskan kerana memang ada tersebut pun penggunaan العشاء الآخرة dengan qaid الآخرة selepas perkataan ‘Isyaa’ untuk sembahyang ‘Isyaa’ di dalam hadits-hadits sahih. Misalnya di dalam hadits-hadits berikut: (1) عَنْ الْبَرَاءِ بْنِ عَازِبٍ أَنَّ النَّبِيَّ صَلَّى اللَّهُ عَلَيْهِ وَسَلَّمَ قَرَأَ فِي الْعِشَاءِ الْآخِرَةِ بِالتَّيْنِ وَالزَّيْتُونِ Bermaksud: Baraa’ bin ‘Aazib meriwayatkan bahawa Nabi s.a.w. membaca di dalam sembahyang ‘Isyaa’ kedua (Surah) at-Tiin wa az-Zaitun. (Hadits riwayat Tirmizi). Di dalam hadits ini diqaidkan perkataan العشاء dengan perkataan الآخرة (terakhir / kedua) selepasnya untuk sembahyang ‘Isyaa’. (2) Abu Hurairah r.a. meriwayatkan, katanya: رَسُولُ اللَّهِ صَلَّى اللَّهُ عَلَيْهِ وَسَلَّمَ يُؤَخِّرُ صَلَاةَ الْعِشَاءِ الْآخِرَةِ Bermaksud: Mana-mana perempuan yang memakai wangi-wagian, janganlah datang bersembahyang ‘Isyaa’ kedua bersama kami. (Hadits riwayat Muslim, Ahmad, Abu Daud, Nasaa’i dan lain-lain). (3) Jaabir bin Samurah meriwayatkan, katanya: كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ يُؤَخِّرُ صَلَاةَ الْعِشَاءِ الْآخِرَةِ Bermaksud: Rasulullah s.a.w. selalu melewati sembahyang ‘Isyaa’ kedua. (Hadits riwayat Muslim, Ahmad, Baihaqi, at-Thabaraani, Abu ‘Awaanah dan lain-lain). **Hadits-hadits di atas secara tidak langsung** (mafhum mukhaalafah) menunjukkan adanya apa yang dinamakan العشاء الأولى (‘Isyaa’ yang pertama) dengan erti sembahyang Maghrib. Malah jika diteliti perkataan العشاء الأولى (‘Isyaa’ yang pertama) dengan erti sembahyang Maghrib juga ada tersebut di dalam hadits Baginda s.a.w. Ini dapat anda lihat di dalam hadits yang diriwayatkan oleh ‘Abd bin Humaid berikut: ثَنَا مُحَمَّدُ بْنُ عُبَيْدٍ ثَنَا زَكْرِيَّا بْنُ أَبِي زَائِدَةَ عَنْ سَعْدِ بْنِ إِبْرَاهِيمَ عَنْ رَجُلٍ عَنْ جَابِرِ بْنِ عَبْدِ اللَّهِ أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ أَمْسِكُوا أَنْفُسَكُمْ وَأَهْلِيكُمْ فِي النَّبِيِّاتِ عِنْدَ فَوْرَةِ الْعِشَاءِ الْأُولَى فَإِنَّ فِيهَا تَعْمُ الْجِنَّ Bermaksud: Jaabir bin ‘Abdillah meriwayatkan katanya: Nabi s.a.w. bersabda: “Hendaklah kamu dan anak-pinakmu berada di rumah di permulaan waktu ‘Isyaa’ yang pertama (Maghrib), kerana pada ketika itu jin berkeliaran (dengan banyak).” (Hadits riwayat ‘Abd bin Humaid di dalam Musnadnya). Tetapi hadits ini tidak sahih, kerana di dalam isnadnya terdapat seorang perawi majhul yang meriwayatkannya daripada Jaabir bin ‘Abdillah. Itulah sebabnya Ibnu Batthaal berkata, tidak ada dalil khusus

٥٣٠ - حَدَّثَنَا أَبُو مَعْمَرٍ هُوَ عَبْدُ اللَّهِ بْنُ عَمْرِو قَالَ حَدَّثَنَا عَبْدُ الْوَارِثِ عَنْ الْحُسَيْنِ قَالَ حَدَّثَنَا عَبْدُ اللَّهِ بْنُ مُرَيْدَةَ قَالَ حَدَّثَنِي عَبْدُ اللَّهِ بْنُ مُعْقَلٍ الْمُزَنِيُّ أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ لَا تَغْلِبَنَّكُمْ الْأَعْرَابُ عَلَى اسْمِ صَلَاتِكُمُ الْمَغْرِبِ قَالَ وَنَقُولُ هِيَ الْعِشَاءُ

530- Abu Ma'mar - dia ialah 'Abdullah bin 'Amar – (al-Manqari al-Bashri) meriwayatkan kepada kami, katanya: 'Abd al-Warits (bin Sa'id bin Zakwaan al-'Ambari at-Tannuri) meriwayatkan kepada kami daripada al-Husain (bin Zakwaan al-Mu'allim), katanya: 'Abdullah bin Buraidah (Qadhi Marw m.115H) meriwayatkan kepada kami, katanya: 'Abdullah bin Mughaffal al-Muzani¹⁰⁰² meriwayatkan kepada saya bahawa Nabi s.a.w. bersabda: “Janganlah sekali-kali orang-orang 'Arab badwi mengalahkan kamu

menunjukkan keharusan menggunakan perkataan العشاء الأولى untuk Maghrib. Mafhum mukhalaafah bagi perkataan العشاء الآخرة tidak memadai untuk mengharuskan penggunaannya. Istilah صلاة المغرب (sembahyang Maghrib) pula adalah satu istilah Syara' yang sepatutnya tidak boleh dikalahkan oleh mana-mana istilah lain, termasuk istilah orang-orang 'Arab badwi. Selain itu perkataan Maghrib lebih terang menunjukkan permulaan masuknya waktu sembahyang Maghrib, iaitu sebaik saja matahari terbenam. Berbeza keadaannya dengan perkataan 'Isyaa'. **Sesetengah 'ulama' berpendapat apabila** Bukhari berkata: ... بَاب مَنْ كَرِهَ atau 'Bab Orang Yang Tidak Suka ...' seperti di atas, bererti beliau sendiri tidak berpendapat begitu. Ia sekadar menyatakan pendapat orang lain. Tidak semestinya orang yang tidak suka itu Rasulullah s.a.w. sendiri. Pada pendapat beliau, ia tidak terlarang atau makruh jika digunakan dalam keadaan tidak mengelirukan. Penggunaan perkataan 'Isyaa' sahaja tanpa qaid untuk Maghrib misalnya memang mengelirukan. Tetapi jika seseorang menggunakannya dengan qaid seperti العشاء الأولى misalnya, maka tidak ada lagi perkara yang mengelirukan. Walaupun begitu, mengguna perkataan Maghrib untuk Maghrib tentunya lebih baik, kerana ia merupakan istilah yang diperkenalkan oleh Syara'. Cuba perhatikan betul-betul tajuk bab yang dibuat Bukhari di atas, anda akan dapati yang tidak disukai itu ialah menggunakan perkataan 'Isyaa' semata-mata untuk Maghrib tanpa sebarang qaid atau sesuatu yang boleh menghilangkan kekeliruan. **Sebetulnya tidak ada ketetapan** bahawa apabila Bukhari berkata: ... بَاب مَنْ كَرِهَ atau 'Bab Orang Yang Tidak Suka ...' seperti di atas, bererti beliau sendiri tidak berpendapat begitu. Boleh jadi juga ia bererti beliau sendiri termasuk dalam kalangan orang yang tidak suka. Sama ada secara mutlaq atau apabila digunakan tanpa qaid seperti dapat anda lihat pada tajuk bab di atas.

¹⁰⁰² Salah seorang sahabat yang turut berbai'ah dengan Rasulullah s.a.w. dalam bai'atu ar-ridhwaan di bawah pokok (yang terma'lum di-Hudaibiyah). Kata 'Abdullah bin Mughaffal, saya mengangkat dahan pokok berkenaan dari terkena Rasulullah s.a.w. 'Abdullah telah meriwayatkan sebanyak 43 hadits. Lima daripadanya diriwayatkan oleh al-Bukhari. Beliau adalah sahabat yang mula-mula masuk ke Tustar ketika pembukaannya. Meninggal dunia pada tahun 60H.